

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik

Broj: 02/12-45-24578/21  
Sarajevo, 15.03.2022. godine

Na osnovu člana 70. Zakona o javnim nabavkama ("Službeni glasnik", br. 39/14), člana 14. stav 2. tačka 1. Pravilnika o nabavci roba, uvrštenju usluga i ustupanju radova, br. 09-05-26263/15 od 27.11.2015. godine, u predmetu javne nabavke roba "Nabavka toplih i hladnih napitaka", u konkurentskom postupku, objavljenom na portalu javnih nabavki, br. 422-7-1-2-3-3/22 od 06.01.2022. godine, postupajući po izjavljenim žalbama ponuđača GOLD MIGNON d.o.o. Sarajevo i REDEX d.o.o. Banovići, izjavljenih protiv Odluke o izboru najpovoljnijeg ponuđača PENNY PLUS d.o.o. Sarajevo, br. 02/12-45-24578/21 od 26.01.2022. godine, na preporuku Komisije za javne nabavke roba i usluga, Općinski načelnik, donosi

## O D L U K U

1. Uvažava se žalba ponuđača REDEX d.o.o. Banovići i poništava postupak javne nabavke kao i Odluka o prihvatanju ponude PENNY PLUS d.o.o. Sarajevo, br. 02/12-45-24578/21 od 26.01.2022. godine, u predmetu javne nabavke roba "Nabavka toplih i hladnih napitaka" u konkurentskom postupku, objavljenom na portalu javnih nabavki, br. 422-7-1-2-3-3/22 od 06.01.2022. godine, kao osnovana.

2. Odbija se žalba ponuđača GOLD MIGNON d.o.o. Sarajevo izjavljena protiv Odluke o izboru najpovoljnijeg ponuđača PENNY PLUS d.o.o. Sarajevo, br. 02/12-45-24578/21 od 26.01.2022. godine, u predmetu javne nabavke roba "Nabavka toplih i hladnih napitaka" u konkurentskom postupku, objavljenom na portalu javnih nabavki, br. 422-7-1-2-3-3/22 od 06.01.2022. godine, kao neosnovana.

3. Zadužuje se Služba za zajedničke poslove da obavijesti učesnike u konkurentskom postupku o donošenju Odluke o poništenju.

5. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

## O b r a z l o ž e n j e

Postupak javne nabavke roba "Nabavka toplih i hladnih napitaka" pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama, putem konkurentskog postupka, objavljenog na portalu javnih nabavki, br. 422-7-1-2-3-3/22 od 06.01.2022. godine.

Zapisnikom sa otvaranja ponuda od 18.01.2022. godine konstatovano je da su zaprimljene tri ponude i to:

1. GOLD MIGNON d.o.o. Sarajevo sa ponudom od 29.757,27 KM sa PDV-om,
2. REDEX d.o.o. Banovići sa ponudom od 29.999,97 KM sa PDV-om,
3. PENNY PLUS d.o.o. Sarajevo sa ponudom od 29.519,99 KM sa PDV-om.

Komisija je pristupila evaluaciji ponuda te utvrdila da ponuda ponuđača PENNY PLUS d.o.o. Sarajevo ispunjava uslove specificirane tenderskom dokumentacijom, dok ponude ponuđača GOLD MIGNON d.o.o. Sarajevo i REDEX d.o.o. Banovići ne ispunjavaju uslove iz tačke 3.2.1. pod 8) tenderske dokumentacije, obzirom da u sastavu ponude nisu dostavili uz spisak izvršenih ugovora **najmanje jednu** potvrdu za ugovor koji za predmet ima robe koji su u vezi sa predmetom nabavke, najmanje vrijednosti 30.000,00 KM sa PDV-om, koju je izdala ugovorna strana – naručilac robe, a koja obavezno sadrži naziv i sjedište ugovornih strana ili privrednih subjekata, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Shodno navedenom, sačinjen je Izvještaj i preporuka za dodjelu ugovora ponuđaču PENNY PLUS d.o.o. Sarajevo, br. 02/12-45-24578/21 od 25.01.2022. godine, a shodno istom donešena je Odluka o prihvatanju ponude ponuđača PENNY PLUS d.o.o. Sarajevo u iznosu od 29.519,99 KM sa PDV-om, u predmetu javne nabavke roba "Nabavka toplih i hladnih napitaka" u konkurentskom postupku, objavljenom na portalu javnih nabavki, br. 422-7-1-2-3-3/22 od 06.01.2022. godine, br. 02/12-45-24578/21 od 25.01.2022. godine.

Protiv navedene Odluke o dodjeli ugovora ponuđači "GOLD MIGNON" d.o.o. Sarajevo i "REDEX" d.o.o. Banovići izjavili žalbu.

Postupajući po žalbama ponuđača, Komisija je shodno članu 100. stav 3. Zakona o javnim nabavkama utvrdila da su iste blagovremene, dopuštene i izjavljene od ovlaštenih lica.

Nakon utvrđivanja procesnih uslova, Komisija je razmatrala osnovanost navedenih žalbi te utvrdila sljedeće:

Ponuđač "REDEX" doo Banovići u svojoj žalbi ističe da im nije omogućen uvid u ponudu izabranog ponuđača PENNY PLUS d.o.o. Sarajevo, te da imaju osnovanu sumnju da ponuda izabranog ponuđača nije valjana iz razloga što izabrani ponuđač nije dostavio odgovarajući proizvod pod stavkom 30. Aneksa 3. Tenderske dokumentacije, a koji se odnosi na "sok jabuka, 1 litar, udio voća 100%, marke Hevi, proizvođača Hercegovinavino d.o.o. Mostar", obzirom da navedeni proizvođač nema u svom asortimanu navedeni proizvod.

Kao dokaz u prilogu žalbe su dostavili mail navedenog proizvođača.

Ponuđač "GOLD MIGNON" d.o.o. Sarajevo u svojoj žalbi navodi da je njihova ponuda neosnovano odbačena, shodno tački 3.2.1. pod 8) Tenderske dokumentacije kojom je propisano da se u sastavu ponude dostavi uz spisak izvršenih ugovora najmanje jedna potvrda za ugovor koji za predmet ima robe koji su u vezi sa predmetom nabavke, najmanje vrijednosti 30.000,00 KM sa PDV-om, koju je izdala ugovorna strana – naručilac robe, a koja obavezno sadrži naziv i sjedište ugovornih strana ili privrednih subjekata, vrijednost ugovora, vrijeme i mjesto izvršenja ugovora i navode o uredno izvršenim ugovorima, te da su u sastavu ponude, a u svrhu dokaza ispunjenja navedenog uslova dostavili pet potvrda ukupne vrijednosti 38.885,25 KM bez PDV-a ili 45.495,74 KM sa PDV-om.

U prilogu žalbe dostavljeno je pet potvrda o uredno izvršenom poslu.

Postupajući po navodima izjavljenih žalbi, Komisija je ponovo izvršila evaluaciju ponuda, te utvrdila sljedeće:

Žalba ponuđača "REDEX" d.o.o. Banovići je osnovana, te su tačni navodi žalitelja da im nije omogućen uvid u ponudu izabranog ponuđača PENNY PLUS d.o.o. Sarajevo prije podnošenja žalbe, te su istiniti i opravdani navodi da je izabrani ponuđač u svojoj ponudi pod stavkom 30. Aneksa 3. Tenderske dokumentacije, a koji se odnosi na "sok jabuka, 1 litar, udio voća 100%, marke Hevi, proizvođača Hercegovinavino d.o.o. Mostar", ponudio navedeni proizvod.

Kako je tenderskom dokumentacijom pod stavkom 30. Aneksa 3. Tenderske dokumentacije propisano da je ponuđač dužan ponuditi proizvod u skladu sa naznakom "Proizvođača ili Tip ili Vrstu ili Klasu ili Original", te kako je izabrani ponuđač PENNY PLUS d.o.o. Sarajevo upisao, odnosno ponudio nepostojeći tip proizvoda, a što je u svojoj izjavi potvrdio i proizvođač, to je žalba ponuđača "REDEX" d.o.o. Banovići **osnovana**.

Navedenom žalitelju je naknadno omogućen uvid u ponudu izabranog ponuđača dana 24.02.2022. godine, ali žalitelj nije pristupio uvidu.

Žalba ponuđača "GOLD MIGNON" d.o.o. Sarajevo, a koja se odnosi na navode da je njihova ponuda neosnovano odbačena, shodno tački 3.2.1. pod 8) Tenderske dokumentacije kojom je propisano da se u sastavu ponude dostavi uz spisak izvršenih ugovora najmanje jedna potvrda za ugovor koji za predmet ima robe koji su u vezi sa predmetom nabavke, najmanje vrijednosti 30.000,00 KM sa PDV-om, koju je izdala ugovorna strana – naručilac robe, a koja obavezno sadrži naziv i sjedište ugovornih strana ili privrednih subjekata, vrijednost ugovora, vrijeme i mjesto izvršenja ugovora i navode o uredno izvršenim ugovorima, **nije osnovana** imajući u vidu da se navedenom tačkom tražila **najmanje jedna potvrda** za ugovor koji za predmet ima robe koji su u vezi sa predmetom nabavke, najmanje vrijednosti 30.000,00 KM sa PDV-om, a žalitelj je u sastavu ponude, a u svrhu dokaza ispunjenja navedenog uslova dostavio pet potvrda (zbirne vrijednosti), odnosno **ukupne vrijednosti 38.885,25 KM bez PDV-a ili 45.495,74 KM sa PDV-om**.

Stoga je pravilno postupio ugovorni organ kada je njegovu ponudu odbacio, obzirom da ista ne ispunjava uslove iz tačke 3.2.1. pod 8) Tenderske dokumentacije.

Na osnovu ponovne evaluacije ponuda, utvrđeno je da niti jedna ponuda ne ispunjava uslove iz tenderske dokumentacije, kako slijedi:

Ponuda ponuđača "REDEX" d.đ.o. Banovići i "GOLD MIGNON" d.o.o. Sarajevo ne ispunjava uslove iz tačke tački 3.2.1. pod 8) Tenderske dokumentacije kojom je propisano da se u sastavu ponude dostavi uz spisak izvršenih ugovora **najmanje jedna potvrda** za ugovor koji za predmet ima robe koji su u vezi sa predmetom nabavke, najmanje vrijednosti 30.000,00 KM sa PDV-om, koju je izdala ugovorna strana – naručilac robe, a koja obavezno sadrži naziv i sjedište ugovornih strana ili privrednih subjekata, vrijednost ugovora, vrijeme i mjesto izvršenja ugovora i navode o uredno izvršenim ugovorima, **obzirom da su u sastavu ponude dostavljene potvrde zbirne vrijednosti 30.000,00 KM sa PDV-om.**

Ponuda ponuđača PENNY PLUS d.o.o. Sarajevo ne ispunjava uslove iz tačke 3.2.1. pod tačkom 2) Aneksa 3. tenderske dokumentacije, obzirom da je stavkom 30. Aneksa 3. Tenderske dokumentacije, a koji se odnosi na "sok jabuka, 1 litar, udio voća 100%, marke Hevi, proizvođača Hercegovinavino d.o.o. Mostar", ponudio nepostojeći tip proizvoda.

Imajući u vidu navedeno, tj. da niti jedna ponuda ne ispunjava uslove utvrđene Tenderskom dokumentacijom, na Preporuku Komisije za javne nabavke roba i usluga, shodno članu 69. stav 2. tačka d) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Sarajevo, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

